

巢縣志卷八

巢縣知縣舒夢齡重輯

武備志一

兵制 馬政 驛鋪附

康熙三年本縣設百總一員後設專防千總一員駐無為州協防外安一員駐縣城道光四年添設額外一員分駐柘臯鎮以資巡查屬廬州營都司轄

縣舊設兵六名防守城池雍正七年增兵二十二名乾隆四十八年復增兵六名現在分防外委轄兵三十四名撥守城兵二十名東山口防兵三名羅家鋪防兵三名炯煬鎮防兵四名割股山防兵四名

巢縣志

卷之八

武備兵制

一

縣舊設民兵一百五十六名後裁一百六名存五十名嗣

兩次裁去三十名存二十名每名工食銀六兩

按于志田賦項

下載民壯共二百名歲支工食銀二千三百九十九兩五錢三分與馬志異前明制度不可考矣

縣舊置弓兵二十名後裁十六名存四名隸焦湖司巡檢

乾隆三十五年改柘臯司添置弓兵四名

駐防外委向無署賃民屋居之乾隆十八年於城內牛山構屋數楹旋圮三十年始將西門內廢倉詳請上臺改建營房

建營房

演武廳在縣城東姚忠毅公廟後平岡里許可列千人屋凡七楹旁築旗臺後繚周垣前列重門制度偉麗今廳

臺俱圮廢僅存遺址每縣試邑令考校武童技藝於此

騎射

民壯舊有團練所在縣治儀門右屋凡三楹器械旗幟至

今猶存

按文獻通考宋乾道四年知楚州劉爵謨言兩淮舊有壯丁民壯乞依陝西弓箭法並免戶下苗田三頃從之此當是設民壯之始又玉海載建炎元年增置射士淮南大縣增三百人小縣二百人是民壯之法已行於宋南渡時明季兵備懈弛乙亥之亂諸生趙宏璧佐邑令嚴覺守城城陷皆死之宏璧傳有曰巢城併命計無復之而為其所乘束手就死由不習其事於無事之時而臨事未得其要也巢城臨河舟揖最利我不能用而賊因之矣使守備既固而以小舟問道自後擊之雖死士下與之合為合之象有不驚而走耶雖然為巢守禦之策不必使賊臨城下也巢

巢

縣

志

卷之八

兵制

二

之險東關而已其地高峻阻狹為守扼之所吳諸葛洛於東關外作大堤逼巢湖左右依山夾築兩城以將守之魏諸葛誕等圍東關欲壞其堤格大破之夫依險自守以逸待勞者兵法之常也南米劉錡紹興十一年至東關見其地負山水曹操四越巢湖不成衡果敗金師漢諸葛武侯曰曹操四越巢湖不成巢湘險峻之區不亞天塹自古稱之矣我國家以武功一天下中極所頌軍政緣營將弁隨時演習即知縣亦得國練民兵以時備緩急雖國家所倚重者不在此而訓練防禦則守土者之責也

馬政

明洪武間戰馬養於天下衛所民間養馬止江南江北而

已江南則十一戶養一馬江北則十戶養一馬歲徵一

駒外給官錢三百貫買附餘種馬一匹如種馬無駒附

餘者有駒則以附餘者補數若皆有駒則買一匹與本

郡無駒者價官其戶內稅糧盡免徵納永樂間遷都北京更以五丁養一馬每免馬四匹起其一以起京備用餘者積銀買馬備南京騎操正統間二歲徵一駒成化間三歲徵一駒宏治十七年以丁力不敷命下議處免糧田地養馬每田二頃養一免馬田三頃養一種馬種馬四匹配一免馬每五十匹為一群內選群長一人獸醫一人

明制本縣免徵田地五萬三千二百畝馬志作五百三十四頃二十二畝額養馬一百九十匹免馬三十八匹課馬一百五十二匹隆慶間取老弱不能供用者售之民以其值輸於官

巢縣志

卷之八

武備

三

每馬一匹值十兩計賣馬九十五匹每匹仍徵草料銀一兩併解部餘馬滋養如舊每歲計馬一百九十匹折徵草料銀一百九十兩又備用折色各匹不等共徵銀一千三百九十兩零水脚銀十三兩九錢至

國朝馬政與驛傳相表裏始罷民間養馬之令

舊志云種馬之法其始未嘗不善而卒弊生無益也宏治間議免糧田地嘉靖間議額解折色隆慶一年議賣一半萬歷九年議止徵折色其賣剩者從而盡售之可謂體恤中原之民而馬政自是不復講矣厥後倭寇竊發人心洶洶則茶馬法互市於邊當不若種馬法孳牧

於內此事可遂寢而不論哉

又郡人謝良翰有言種馬之弊於牧養則有草料之費於買補則有登價之費於倒死則有究罪之費於印烙則有供用之費於臆瘦則有坐罰之費於群醫則有工食之費於點劄則有脫卵之費於失盜則有買復之費於椿頭則有需索之費於造冊則有餽送之費且官不以之應差民不以之騎坐生不可以代耕死不可以開利所費如彼而無益如此則種馬之法之為民害也明矣見馬志

本縣牧馬場十三處

巢縣志

卷之八

武備馬政

新安廠 長龍廠 古牧廠 柘臯廠 夏閣廠 炯

煬廠 峒山廠 包家坊廠 龍勝廠 高林廠 九

龍廠 興安廠 河灘廠

明制民間設立牧廠嗣因廢馬不養將草廠荒地分給貧民開墾納稅克餉

國朝因之歲徵租銀八十七兩三錢三分一厘由布政司

轉解戶外有牛犢銀一兩九錢係佃戶辦納同牧租銀一併解交司庫

驛鋪

高井驛原額馬五十匹後裁十六匹存三十四匹每匹給銀三十五兩共銀一千二百六十兩今裁驛舊在高

井鋪去縣北四十里明洪武間建後遣柘臯鎮去舊驛北又二十里有驛丞官署數間康熙八年驛丞張可登捐修今屋址猶存

鎮巢驛馬匹銀數與高井驛同舊係水驛在城西門嘉靖二年郡守龍誥廢水驛為馬驛遷巢治北日久傾圮邑令馬如麟重建今廢

馬志按鎮高二驛路當孔道前朝輪蹄絡繹應接維難萬歷間驛棍藉口倒站呈報富戶走遞天啟中又撥點里糧過往者紆道需索重為民累崇正九年貢士葉士彥具疎條議另立棚頭外幫草料稍蘇重困順治九年

巢縣志

卷之八

武備  
驛鋪

五

驛官林彭球朱金忠見夫疲馬斃遍告紳民暫議外幫鎮高二驛銀七百六十兩嗣漕撫部院具咨達部順治十一年訂入經制全書永人正款康熙三年裁僻協衝遂以巢邑暫爾通融之膏血移為他邑越疆挹注之恒規矣

雍正八年鄒志載鎮高二驛夫馬料工實需並帶閏月銀四百十二兩八分於乾隆二十四年裁去馬六匹減去料銀一百二十九兩六錢減馬夫四名工食銀四十三兩二錢減馬價銀四十五兩減鞍轡銀八兩五錢二分除裁去銀仍需銀一百八十五兩八錢六分現在鎮高

二驛共存差夫十六名每日每名支工食銀三分歲共給銀一百七十二兩八錢閏月一體支給

附錄邑人楊鴻功改驛芻言邑初無鎮高諸驛也惟城西水館驛通蝗落河達江以南耳明太祖都金陵時西路之地皆取道於金斗金斗由陂岡驛道石梁鎮由石梁至金椒驛共二百一十里金椒由閣城驛抵江浦九十里通計不過三百里渡江矣其路大而平非有高山狹岸過渡泥淖之苦也迨成祖北遣後凡詔之頒於南京諸郡者以太平為中自濠梁而南由張橋護城以達太平則取道柘臯和含其勢然矣自是革陂岡驛而設

# 巢縣志

## 卷之八

武備驛舖

六

西山驛於肥之東山設井高驛於巢之北鄙而差之自金斗而東詔之自護城而南者皆由高井而走昭關道含及和以達太平此高井所由驛也及正德間流賊亂江北西山驛丞被殺站倒驛廢又革西山驛分其馬戶於金斗護城高井各十五匹自是高井由東山口走金斗百二十里高井由北山口走護城驛七十里高井由昭關走含山一百里而高井之奔命長途自此始矣然此時尚未有鎮巢也自興獻皇太宮梓宮由燕京從葬承天巢前令甄公偉率巢人闢萬家山以待嗚呼巢之元氣從此洩矣且行旅通矣府州縣公役往來者因廢

城西水釋設鎮巢驛矣由高井之含山者不走昭關而走鎮巢寧多二十里之紆而意圖換馬矣則又鎮巢所由驛也鎮巢之驛既設而陂岡之驛又廢全椒人因賂金才不送石梁而送高井又賂江浦不送閣城而送和州由是江浦金斗之遞皆由鎮高和令而全椒一路止有西北之差矣北來諸差由西北而東南至巢又由巢而東北至含和江浦紆迴三百餘里其實直路僅一百八十里寧為廢時疲驛而巢遂為孔道為路既紆為站則增錢糧廣廢正款不敷而加派加派不已而呈報富戶民力孔艱民生日蹙矣且也增驛之苦民受其殃而

巢縣志

卷之八

武備驛鋪

七

驛路之苦夫馬尤受其累高井至巢雖僅六十里而以人載包重百餘觔以馬載人包則共重二百餘觔矣中間疲於萬山之險崖陡石滑人不下馬則折腰下則折膊力窮而蹶一跌不收全馬而出割尾而回者一歲、多有此山之苦也由巢至含溪山曲隘中有遇仙橋之陡滑陰雨過之十馬九傾由含至和六十里盡圩埂也埂陡窄止容一騎傍無小徑凡遇差馬對面來人即早尋避處小有失便內溝外河撞下沒溺人畜二命俱懸則又圩埂之苦也和州至江浦百二十里已窮日之力矣而中間黃赤二壩渡船里許呼待淖立沒斃裁蹄人

包落水官以罪差差以罪夫其冤莫控則又過渡之苦也此數處驛路其險如是迥不類全椒平坦大路况多百二十里乎倘於金斗全椒中間二百一十里內蕩平古道添設二驛率以七十里一站一居廣福寺或石塘橋一居柴家岡或張輝集肥全二縣或不樂從即以所省鎮高和舍四驛之馬在彼走遞仍將江南等處之協濟於巢和舍者分協於全椒金斗是既省去兩驛而小民減於錢糧又不由險道而夫馬安於走遞孰便孰否何去何從夫舍險就平樂近惡遠人之常情念此驛遞由金斗至全椒由全椒至江浦路大而平且近百二十

# 巢縣志

## 卷之八

武備  
兵制

八

里由金斗至巢由巢至舍山由舍至和由和至江浦路小而險且遠百二十里一走弓絃一走弓臂可省一晝夜力而况高山狹岸渡船之苦且倍蓰什百乎書生日擊時艱芻議如此仁人君子倘究心民瘼蘇困驛遞俯賜採擇施行豈惟巢民賴恩和舍俱載德矣

邑額設十四鋪 總鋪 新安鋪 半湯鋪 秀山鋪  
白塔鋪 金城鋪 回車鋪 萬山鋪 夏閣鋪 高  
井鋪 分路鋪 柘臯鋪 平原鋪 東山鋪 共鋪  
司十四名鋪兵五十名

按鋪司之設專司遞送公文必年力精壯粗通字義者方無貽誤乃平民多不樂充充是役者大都老翁



疲困郵政之壞是處皆然甚則十缺其四五或以額  
缺請不能不出告示募於是總鋪暨各鋪兵往往向  
附避居民籍端滋擾少不遂意即以其名報於官官  
被其蒙民受其累亦地方弊政也惟有設法調濟使  
得瞻其身家則願克者必多否則嚴飭鋪司不得挾  
嫌舉報舉報不實從重懲治庶此輩不敢恐嚇鄉愚  
而閭閻得以安枕矣

巢縣志

卷之八

武備  
兵制